



Decisiuns dalla radunanza communal Surses

La radunanza communal Surses digls 9 da december 2024 ò

- approvo cun 110 vuschs cunter 1 vusch igl preventiv 2025 tgi cuntigna igl chint economic ed igl chint d'investiziuns, cun observar las clausulas da bloccada. Igl chint economic prevei en surple d'expensas da CHF 1'973'200.00. Igl chint d'investiziuns prevei investiziuns bruttas da CHF 21'451'800.00 ed investiziuns nettas da CHF 16'484'300.00;
- piglia cunaschientscha digl plan da finanzas e d'investiziuns 2026-28;
- decida cun 117 vuschs e nigla cuntervusch da fixar igl pe da taglia per la taglia d'antrada e da facultad digl cumegn da Surses pigl onn 2025 scu anfignen ossa sen 90% dalla taglia cantunala simpla;
- fixo cun 114 vuschs e nigla cuntervusch la quota per la vendita dad immobiglias a persungas digl exterior pigl onn 2025 scu anfignen ossa sen 100%;
- decida cun 117 vuschs e nigla cuntervusch da conceder igl credit d'object da CHF 485'000.00 per piglier ord funcziun igl indrez digl provedimaint d'ava existent da Promastgel anfignen tar igl reservuar Burvagn e da tatger da nov la reit da distribuziun Burvagn ve digl provedimaint d'ava da Salouf. Igl madem mument è la suprastanza communal neida incumbensada cun la realisaziun.
- decida cun 113 vuschs cunter 1 vusch d'approvar igl credit d'object da CHF 615'000.00 per renovar la Veia Sot Curt a Savognin e d'incumbensar a madam taimp la suprastanza communal cun la realisaziun;
- decida cun 106 vuschs cunter 1 vusch d'approvar igl credit d'object da CHF 740'000.00 per renovar la Veia Fusso a Tinizong e d'incumbensar a madam taimp la suprastanza communal cun la realisaziun;
- decida cun 115 vuschs e nigla cuntervouch d'approvar igl credit d'object da CHF 450'000.00 per piglier ord funziun la staziun da trafo Visoura a Parsonz e construeir ena nova staziun da trafo an en nov li a Parsonz e d'incumbensar a madam taimp la suprastanza communal cun la realisaziun;
- decida cun 79 cunter 25 vuschs d'approvar igl credit da CHF 800'000.00 per cumprar la parcella nr. 10041 e la surfatscha parziala da radond 770 m2 dalla parcella nr. 10042, mintgamai an proprietad dalla Guidon Bivio SA, e per cumprar la part da cumproprietad (1/2) dalla BISAG ve dalla parcella nr. 10040;
- decida cun 78 cunter 35 vuschs d'approvar la revisiun parziala dalla planisaziun d'utilisaziun dalla veia da velos e da viandar "Juliertrail";
- decida cun 66 cunter 39 vuschs d'approvar igl credit d'impegn brut da CHF 1'450'000.00 per construeir la veia da velos e da viandar "Juliertrail" e d'incumbensar a madam taimp la suprastanza communal cun la realisaziun. Chel conclus è sottamess agl referendum facultativ tenor art. 30a dalla constituziun communal;
- piglia cunaschientscha da diversas infurmaziuns.

Igl protocol dalla radunanza communal digls 9 da december ò da neir publictgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vign communitgia a taimp util aint igls figls uffizials digl cumegn.